




آبونه نمره ۱ : هر بر ایچون
سنه لکی (۴۰۰) آلتی ایلنی
(۲۲۵) ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدرد.

نسخه سی ۷،۵ غروشدرد .
سنه لکی ۵۲ عدددر .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله بن
یازیلر اماده اولنماز .

والله یهدی من یشاء الی صراط مستقیم

باش محرر
محمد ماکف

صاحب و مدر
اشرف ادیب

آبمون اهدکم سیل الرشاد

ادرس بدیلنده ایریجی
۵ غروش کوندردملیدر .

مکتوبلرک امضاری واضح
واوقوناقلی اولسی و آبونه
صره نوسروسی محتوی
بولونسی لازمدر

ممالک اجنبیه دن آبونه
اولنرک آدرس لرینک
فرانسجه یازلسی رجا اولنور .

یاره کوندردلیدیکی زمان نهیه
دائر اولدینی بیلدیرلسی
رجا اولنور

متکلمین در علم حتی

متکلمین اولاً طریق تدریس یورو مش ؛ حس ، عقل ، کلام یعنی خبر صادق اولی اوزره اوچ نوع معیار علم قبول ایله مشدر . حس جزئیات اشیایه ، عقل جزئیات محسوسه آراسته کی مناسبات عمومیه و معقولاته ، کلام یعنی خبرده واقعات ماضیه و زائلیه ، غایبه متعلق علم ، دها طوغروسی نقل عام افاده ایدر . شو حالده مبدأ معرفت ، حس و شهوددر . عقل بونی حضوردن تعقیب ایدر ، کلامده غایباً تعقیب ایدر . بز حیاطر خارجنده جریان ایدن وقوعات تاریخیه کلام دییه بیلیرز . کلامک حیثیت علمییه سی ، محسوسه هاند اولسی اعتباریله در . معقوله خبر علم فاده ایتز ، آنجق او معقولاک نفسیتنه هاند بر علم افاده ایدر بیلیرکه بوده حسیقی در . مثلاً علمای هیأتدن بر جم غفیرک « ارض مرکزی در » ، دیدیکی تاریخیاً خبر صادق ایله نقل ایتک ، مرکزیت طاله علمی دکل ، آنجق او مذهب اربابنک سوزلرینک محسوسیتنه علمی افاده ایدر . متکلمین اصطلاحنده علم تصدیق دیمکدر . تصدیق ایسه حکمدر . شو حالده علمک کنهی حکم ویا مبدأ کله اولان صفتدر . تصورات مجرد علم دکلدر . بونارک علم اولسی بر تصدیقک فذلکسی اواق اعتباریله در . حسک بزده شرائط و کیفیت حصولی نه اولورسه اولسون هر حس بر حکم ایله مترافقدرکه بز بو حکمه (شهود) دیرز . چونکه مبدأ علممز اول حسدر . بناء علیه بوتون مطالعات علمییه مزک مبدای حسدر . هر حس بزه ثنائیت ایچنده بر اضافت ایله تجلی ایدر . بز بو ثنائیتک بر طرفه حساس ویا طالم ، بر طرفه محسوس ویا معلوم ، آره سنده کی نسبتده حس و شهود ویا علم دیرز .

شیمی بوزاده بواوچدن هر بری کرک مستقل عد ایدیلین ، کرک کل واحد عد ایدیلین ، هر حالده علی الاطلاق بر وجودک تحقیق متیقندر . یعنی کرک نفسی ، کرک عینی ، کرک هر ایکسی اولسی هنوز تعینه کیریشمکدن ، طرز و کیفیات وجوددن صرف نظرله بر موجودیتک تحقیقده آرتیق شبه یوقدر . چونکه عدم مطلق ایچنده اولمادیغمز محققدر . وجود مفهومک ضرورتی ، بداهیتی بوندن طولاییدر .

ایشته علی الاطلاق بر وجودک تحقیق ایله بر مبدادرکه بونده سوفسطائیک احتمالی قطعاً منسلدر . ایشه ده قارتمک : « ادراک ایدورم ، دیمک وارم » ، دستوری بو قطعیتدن منعکس اولدینی کی ، صوفیه اسلامک : « وجود الهی ، یعنی برحق مطلق بدیه بدر » ، متعارفوسی ده بوندندر . حسی دییگنز ، عقلی دییگنز ، نفسی دییگنز ، عینی دییگنز ، حقیقی دییگنز ، خیالی دییگنز ، حاصلی نه دیرسه کنز دییگنز ، هر حالده

بر وجودک تحقیقده حکم ایتش بولونورسکنز . (بیرون) کی حکمدن نه قدر اجتناب ایدرسه کنز ایدیگنز ، ینه بو حکمدن وارسته قالمش دکسکنزدر . بو یالکنز حسابیه قدیمه اولان سوفسطائیه کی اسکات ایتمکه قاله جق بر مبدأ دکل ، حسابیه جدید و اخیریه ده الزام ایدر جکدر . چونکه اونلرک مسلککنجه هیچ اولمازسه نفسیت وجود متحققدر . بناء علیه نفسیتک عینی متحققدر . اونک ایچوندرکه حسابیه اخیریه نک نفسیت و سائیتی ، معنویه کی (ایدر آلیزم) ی ، یا خود نفسانییه کی (سوپز . کتوزم) ی متضمندر .

بوتون علملر ، بوتون مسالک فلسفیه ایشه بو مبدئک تعیناتی ایضاح ایله اشتغال ایدر . بو ، ساده بر ایمان دکل ، تام معناسیله بر علمدر . و بوتون علملرک اساسی اولان بر علمدر ، ویا علم و ایمانک نقطه اتحاددر . علمی هانکی تعریف ایله تعریف ایدرسه ک ایدلم ، بو مبدادن تفریق ایدر مه بز . بواویله بر مبدادرکه بزمک بسیط شهودلرمزده مندر جدر . حالبوکه ساده ایمان ماوراء شهوده منطبق بر حکمدر . متکلمین مسلککنک اصل خصوصیتی ده ایشه اک بسیط و اک ابتدائی شهودمزدن افتراق ایتمین بو مبدئک تعیناتی ایله باشلار .

کوردک که ایلاک مبدأ غریبمز ، حسمزدر . ایضاح ایتدیکم وجهله هر نه اولورسه اولسون بر وجود مطلق مبدئی ویرن حسمزدن تعیناته کچمک ایچون بز اول ، حسمزک تکرر لرله تعیناتی تکثیر ایدرز . و بو کثرت ایچنده توافق و تمایز حسلریله ، تجربه کی و تجربه دن اعتیادی ایدینیرز . بو صورتله تجربه و اعتیاد ، بزم بتون علملرمز اولسه بیله بتون علملرمزک اساسنده بر رکن اولور . ایشه بز تعینات نقطه نظرندن حسلرمزک صدوقی ، بو تجربه ده کی حسلرک بر برینی مراقبه متقابله لرندن نشأت ایدن حکم ایله تقرر ایدرکه بو حکمده بر حس شعوری ایله مترافقدر . اوت حسک مؤیدی ینه حسدر ، فقط بورادن حسابیه نک مغلطه سته صابلا نغمه حق یوقدر . تأیید ایدن حس ایله تأیید اولسان حسک وحدت جنسیه لرینی وحدت شخصییه قلب ایدرک ، هر حسک مؤیدی ، شاهی ینه کندیس ایتش کی کوسترمک بر مغلطه دز . برانسانک ویردیکی بر خبری ، دیگر انسانلرک شهادتیه تأیید ایتشی ، عین انسانک کندینه شهادت ایتشی دیمک اولدینی کی بر حسک دیگر بر حس ایله ، مثلاً رؤیتک لمس ایله ، ویا هر برینک کندی جنسلرندن متعدد فرد لرله تأیید ایدلسی ، بر حسک ینه کندیسیه تأییدی دیمک دکلدر . بر حسی ، حسدن باشقه برشی ایله تأیید قالدیشمق تناقض اولور . (تناقضک بطلانی ده مقدمه تثبیت ایتدیکمز مبدأ اولک ضروریاتندندر .) چونکه بوضورتله بر تأیید آرامق ، لا تأیید آرامق دره زیرا تأیید ، تأکد دیمکدر . تأکد ایسه بر جمع عملیه سی ایله اولور . حال بوکه خلاف جنس عددلرک جمعی هیچ بر یکون افاده ایدر مز . باشقه برشیتک حس حالته کله بن افاده سیله بر حسک تأییدی دوشونمک ،

حس ایله لاحقہ جمعہ قافیہ شمع دیمک اولہ جفندن فائدہ سزومتناقص در۔
اگر اوشیشک ینہ حس حالہ کان برافادہ سیلہ تأییدی دوشونولورسہ،
حسک ینہ حس ایله تأییدی لزومہ عودت ایتیش اولورز۔
(قانت) بو تناقضی، بر معیار عینی بولمک امتناعی شکلندہ
کوسترمش و بوندن مایوس اولمشدر، فقط بویله بر معیارک بولونما سندن
دولای مایوسیتی طوغری دکلدرد، چونکہ بویله بر معیارک موجودیتی
فرض ایدلسہ ایدی، هیچ بر قیمت تأییدی سی اولہ میہ جقدی، او حالہ
معیار اولہ میہ جقدی، حال بوکہ ایکی حس بر برینی تأیید ایتدیکی زمان
هر بری دیگرینک نفسی اولمدینی ایچون یکدیگرینہ نظراً یا لکز
نفسیتی دکل، عینیتده حائزدر، بناءً علیہ هر حس کندیسنه بر قیمت
عینہ اسناد ایتدیررسہده بو عینیتک قیمت علمیه سی کندی اسنادندن
دکل، اونی تأیید وتوکید ایدم بیلیمک صلاحیتی، حائز اولان دیگر
حسارک شهادتندن نشأت ایدرد، شو حالہ حسارک کندی نقطه نظر لرندن
بر عینیتی حائز اولدینی کی بر برلینہ نظرآده عینیتلری تأید ایلہ مش
بولدینغندن، معیار علمیمز هم نفسی وهم عینی قیمت و حیثیتہ بحق
مالکدر، و بو قیمت و حیثیتہ بر حسارمزمک خطالری و غلطلری تصحیح
و صدوقیتلری تأمین و نہایت بریقین الہ ایدرز، بویله تجربہ ایله
حسارمزم حقتده کی یقین حکملرینک اطراد و تکرری و بوضوئله ملکہ
واعتیادک تکوئی عقلمزمک تشکلی دیمکدر، بورادن اعتباراً عقل،
حسارمزمک معطیات یقینیه سنی مبدأ اولہرق آلوب وجود مطلقک هنوز
حسارمزم داخل اولیان ائیناتی حقتده حکملر ویرمکہ و عالم معنایی کورمکہ
باشلار، عقلک بالملکہ بر قوۃ حدس و بداهتی وارسہده، بو حدس و بداهتک
کندی حسابنه بالذات بر مبدأ علم اولہ جفی جای اشتباہدر، بناءً علیہ بدیهیات
عقلیہ دیدیکمز معلومات، ینہ معطیات حسک خلاصه لرندن عبارت
یقینیات اصلیه اولہ بیلیر، بوندن دولای عقل یا لکز کلیاتده دکل،
جزئیاتده اجرایی حکم ایدرد، مثلاً، رسوخلی بر طوغضاماجی بر
الندہ کی تحتہ، برده قارشوسندہ کی پنجرہ باقہرق و فعلاً تجربہ و تطبیق
ایتمکسزین ذهناً ایکی امتدادی مقایسہ ایدرک بر برلینہ انطباقلریله
حکم ایتدیکی و بو حکمی موفقیته تطبیق ایلدیکی زمان، برواقعہ جزئیہده
عقل ایله حکم ایتمشدرکہ علی الاکثر عقل عملی بویله در۔

موجودیتی تأمین ایدمک بر حالہ دکلدرد، بناءً علیہ؛ بزه تجلی ایدن
شو امور ثلثہ ایچندہ وجودک (تعیر معذرد کورولسون) مرکز ثقلی
طرفیندن اولور، دیمک اولورکہ هر حس بزه حس ایله محسوسک
(عالم ایله معلومک) بر برندہ متداخل اولہرق متقابلاً موجودیتلری
کندی وجودینک اولنرہ تبعیتی افادہ ایدن برواسطه رابطہدن عبارت
بولدینغنی سویلیورکہ بر ایشته بو طرفیندن هر برینہ شی و بو حسہ
عالم شہودی، عین یقین دیورز، بو حسمز بتون مناسیله بر قیمت
عینہ و یقینیه حائزدر، چونکہ بورادن آلدینغمز حکم، ظن ایدلدیکی
کی حسک شرائط وجودی خارجندہ برشی غائبہ، اثر حاضر دن علت
غائبہ سنے مطابقتیله حکم اولیوب حسک ینہ کندینہ مطابقتی حکمیدرد،
حسی نفس حساسہده تصویر کی بر رمز و محسوس بورمزمک مدلول
غائبی کی ملاحظه ایلہ مک حسی حالت شہودده ملاحظه ایلہ مک دکل، حافظہده
ملاحظه ایلہ مکدر، حافظہده کی حسده نسبتک، بر طرفی قوبمش وضعیتده در
اونک ایچون قیمت شہودیه سی ماضیہ حائزدر، دونکی محسوسمزمک
فی الحال محسوس قیمت ویرمیز و ویرمیز، آرتق او حس دکل، خیال
حسدرد، خیال حسک محسوسنی افادہ سی باشقہ، بالفعل حسک محسوسنی
افادہ سی باشقہدر، بالفعل حسده محسوس ایله حساس نفس حسک
شرط موجودیتی در، دها طوغرییی حسک موجودیتی بونلرک
موجودیتی در، بونلرک بو موجودیتیده خیال حسده اولدینی کی
محسوسک، حساسده ارتسام ایله و اندماجی صورتندہ دکل، متقابلاً
موجودیتلری صورتندہدر، بالفعل حس حس ایله محسوسنی آراسندہ
براضافت، بر نسبت اولہرق عرض وجود ایتدیکنندن طرفینک وجودی،
وجود حسک شرط قیامی اولہرق زماناً برابر و طبعاً متقدم بر حالہ حاضر
و متجلیدر، بوندن دولای بر حسده وجود جوهری ایله وجود عرضی
بزه برابر مشہود اولور، طرفینک وجودلری بذاتہ قائم وجود اصلی
جوهری، حسک وجودیده طرفین ایله قائم بر وجود عرضی، نسبی اولمق
اوزرہ تجلی ایدرد، بونک ایچون جوهر مفہومی، حدسی و یا استقایلدرہ
دیمک طوغری دکلدرد۔

فی الحقیقہ قانتک دیدیکی کی بزم شہودمزمک شئونہ انحصاری فرض
ایتمک تناقضدن خالی دکلدرد، چونکہ آن شہوددن بز یا لکز شونی
کوربور، بیلور ایسہک، اونلری کندی کندیلرینہ قائم کوربورز
دیمکدر، او حالہ اونلر شئون دکل، جوهردر، یوق اکر باشقہ سنک
تحت تابعیتندہ کوربور ایسہک او حالہ شئون جوهر ایله برابر
کوربورز، و هر ایکی تقدیرده جوهر مشہود اصلیمز اولور، بزدہ
عرض و یا شئون مفہومی، حسمزمک وجودی و وجود رابطی اولہرق
بغیرہ، جوهر مفہومیده عین زمانده حساس ایله محسوسک وجودلری
وجود موضوعی اولہرق بذاتہ تعین ایلہ مسی سبیلہ حاصل اولور،